




少村漫稿卷下 五言律

春日湖上

鎮日喧卑裡悠然物外情  
携囊青草作拾翠白雲生  
野憇偏尋勝春遊不計程  
文旌綠綠澗夕照半龍城

薄遊金堰曲迤邐玉湖西  
古樹侵魚藻春苗帶馬蹄  
尋源採藥去掃石對花題  
雲影窺毫彩歌聲鳥韻齊

春遊



鶯花三月媚春服試初成水暖看魚戲村明信  
馬行珠林僧入定瑤藻客同聲醉采群芳細歸  
來兩髮盈

芳郊饒客思天鳥舞東風細柳芽全別名花香  
自同雲幽輕著屨日午遠聞鐘漫道尋春早仙  
桃幾樹紅

早春讌朱萼菴都督東園

春光今已半玄圃碧桃開喜得看花伴偏尋勸  
酒媒雲行瑤管過水曲羽觴廻從此隨香騎明  
朝醒復來

春寒還未減日暖總相宜出郭尋芳遠綠林吐  
艷遲柳芽黃欲綻草色翠將滋天節催人景流  
光付酒卮

海隅真隱

禹甸佳山水仙家此卜隣烟波隨釣艇霞谷可  
樵薪讀罷鋤雲曉詩成覓草春息心榮利外清  
世一高人

蕭散越中客夷猶海上人長空飛鳥沒近渚狎  
鷗親倚榻長餐壁蕩舟一采蘋羲皇今幾世時

序不知春

地偏真遠俗性適即娛情只與碧雲侶曾聞黃  
犬驚春花各入意風竹自成聲前浦深流綠垂  
竿芳餌輕

居庸關

天設重關險山迴一帶長人民隣絕域將士戍  
邊墻東去通遼海西來自大行向離千萬里何  
地不吾皇

文宗都薊北京邑枕居庸胡虜遺荒漠關山隔

幾重鳴笳邊月冷荷甲朔霜濃未說貔貅旅

君王駕六龍

秦王卷

金符傳七葉玉樹喜同枝何日能承醴相逢一  
問竒天人不可即雲雨杳難期漢系元龍種蜚  
聲到鳳池

宋玉能詞賦蘭臺早見招綠雲芳桂發鴻寶碧

桃嬌燕市黃金盡秦關繡嶺遙春風披石室珥

筆立層霄

送賓南李丞之張橋

君本儒家子相看客裡情  
春風河柳色曉霧禁  
鶯聲尺檝遊南國孤舟入水城  
時瞻華蓋上遙映紫雲清

送何尹考最歸

南國瞻征旆東郊惜別筵  
共憐春雨後獨眷暮  
雲前醉酌長安酒高歌召伯篇  
杜梨今更綠賢矣口碑傳

同宮允李渠翁太史吳筠泉邢雉山潘水

簾李石鹿王家對梅

蘊火環深洞盆梅也自花  
蚤芳含筆度踈影近  
燈斜歲暮頻爲客江南忽是家  
春風隨地有對汝興偏賒

春過已十日策馬到城隅  
酒向兩三客梅開五六株  
當軒凝翠碧入座轉清虛  
大隱還都市何須覓小孤

乍玩成真解相看可入玄  
回元須守甲調鼎自  
長年世味同朝露春情付暖天  
巡階一索笑開

爾為誰妍

孝烈皇后挽詩

母德儀天下慈恩與地平

含情寶鏡餘鸞彩瓊樓杳鳳聲沉沉

月為誰明

上天鰲 女士中禁事 君王乾德參三象坤

儀莫萬方 神龍正臨馭彩鳳忽翔翔猶展翅

翼依依紫幄傍

玄冬賓 淑御經歲軫 皇情寒雨隨銀滿春

風窈珮聲三河馳王輅五月掩金城 宸謚昭

宮德長留汗簡名

贈文選許石城陞南太常少卿之任

山公為吏部 綸命列清卿世以文章著官仍

禮樂名白雲秋日思芳草故園情春望能相憶

宮鶯雨後聲

欲別黃花暮愁分白鴈秋仙舟下層漢萊彩照

清流江隱金陵見雲開玉樹浮高車過故郡春

色石城頭

贈張湖亭叅戎復州兼奉母以行

張魚人堪羨遼陽地不違邊雲連漢闕 宮日

帶萊衣饌入江魚細書成朔鴈飛即看旌旆至

塞外虜塵稀

題畫

生憐秋色好高閣坐新寒竹韻風前聽花容雨

後看採毫躋月窟視草上金鑾誰是同吟者披

圖倚玉闌

贈學士華鴻山之任留都

北平飛曉旆南國動奎文春入晉陵樹天開淮

甸雲玉堂初帶印金馬暫離群賦擬楊雄似還

米獻 聖君

贈太史陳平岡假歸

同為金馬客羨子洛陽才春日聯華省奎躔接

上台承恩冊管暇賜假彩衣回白髮開芳讌長

生王露杯

挽遇齋

若看高士傳寔獲昔賢心人世隨流水泉臺倚



之子朝 天闕乘春下建灘寧親雙鬢白戀  
主寸心丹裁彩新宮綺簪花舊法冠懸知行酒  
日芳草亦承歡

贈徐澗濱謫任建陽

瞻雲懷欲往授簡滯歸程共喜 君王聖猶憐  
旅宦情緩花仍一命符竹得專城建水清如練  
公餘可濯纓

元日試筆 巳酉

今日逢元日朝回一賦詩花拈江子筆雲映畫

惟萬歲壽華架九調酒滿卮恩華先侍從何

以獻彤墀 君私

在華年華易今當半百時螭頭長載筆旅鬢漸  
成絲青眼誰相識丹心祗自知恩波能作頌可  
以獻彤墀

莊敬太子挽詩

拜壁承華蚤勝冠奉制年神遊何厭俗夢杳忽  
昇仙鶴駕迷春霧鳥燈寄夕烟松楸皆北向時

聖慈憐

蕪芝田席上對竹

炎天聊滌暑一過子真家  
條竹橫簷出踈枝  
徑斜欄前青落枕  
窓外翠臨紗坐覺塵囂遠  
然客興餘

贈休寧令便道省覲

倚門新白髮原是栢舟心  
芳草階前色青鸞  
下音承家看結綬  
作邑試鳴琴即此爲歡際  
池何處尋

贈潞安守孫南川

三月都門外春風楊柳絲  
分符成遠別飛蓋  
予思晉國曾蒙難  
藩封尚阻饑非君能保障  
安結聖明知

贈方泉趙侍御巡察應天兼省覲

我愛瀛洲侶簪臺玉殿東  
朝陽鳴紫鳳南國避  
青驄見說戈鋌急仍聞杼軸空  
隨軒題尺牘計  
日獻重瞳

日下占持節言遵越水湄  
白雲從此近芳草與  
心期星使金為斧春筵玉作卮  
恩華何以答

王事莫云遲

贈劉元白作邑金谿兼省覲

南省平衡藻奎文映玉樓  
眼青看自愜心赤利  
應愁折柳憐春色傳花向水頭  
夕陽山外度春  
隔木蘭舟

贈萬子材尹武進

美玉懸高價明珠不暗投  
聯珂雙闕下分袂五  
陵頭歲杪離情重雲深朔氣浮  
行行南國近春

已逐流

贈杜良山山人

秦谷山中客青書已悟真  
雲霞低作戶花竹結  
為隣巢父何孤邈  
堯年亦隱淪所期采藥夫天  
地不知春

贈高大僕封君

止足誰能識蕭然物外遊  
盛年官赤邑飛夢繞  
滄洲芳草春風細閒雲秋水浮  
丹砂駐白日身  
世傲王侯

一謝銀黃縮振衣千仞岡  
錦函題處濕紫蠟賜

素香雲裡龍光遠日邊鳳羽長金緋知自適不  
復論行葢

贈林司訓

京國逢知己匆匆又別離傳經仍舊德對酒賦  
新詩湖上魚龍化雲邊雨露滋總看春色蚤遊  
宦莫言遲

送林餘芳還三山

涼夜多鄉夢輦鱸及此時秋風吹短髮簷雨濯  
煩思作客難為別因君一賦詩虜人今入寇歸

送遲

送黃三峰兵憲山東

載遊京國依依客裡情秋齋時聽雨春日共  
登瀛雲署臨天路星槎入海城晉陽今患虜到  
處合言兵

送陳南江令溧水

白雲曾作主今訪紫芝山洞口春泉湧空中夜  
鶴還庭看松子落簾對吏人間何處仙家是無  
丹亦駐顏

對菊

主人耽種菊半院隔東籬五色傳詞苑群芳入  
酒卮波分太液潤露及晚秋滋客裡長看汝予  
心當告誰

送錦衣叅軍王慎菴僉憲廣東

金門長送客如子更情親白鴈偏求侶黃花懶  
向人虎符牙帳舊豸府畫輅新倚望津橋夕懸  
知海國春

祖席聯文武言追宛潞傍錦衣明晝日繡斧端

霜路入三山迴風行百粵長嶺雲連晚樹魚  
出江鄉

七夕雨席上次陳平岡太史韻為別

仙人不易會異歲一同盟鑿幄七香度機絲五  
色成雲間驚鶯節換雨下映空明欲別猶聞調鏗  
鏗玉珮聲

用拙逢知己云何卜此程欲應天上會漫道別  
時情淚滴河源淺愁分曙色明星橋猶可度相  
望水盈盈

送劉雨山正學光州

握蘭春日好冉冉忽三秋苦作燕山別言從洛  
浦遊奎光明客旆雲影拂仙舟去去誰同調思  
君鳳閣頭

壬寅十月再會同年陳戚畹宅

曾綴金閨籍欣聯玉露卮杏花三月宴萸莢八  
年期文采當朝彥章絳此會竒同心何所願隨  
分答明時

四海逢知己重過戚畹家小春斟御酒踈髮憶

高花逸興凌寒色芳心共歲華人生猶聚散  
騎夕陽斜

侯家金作埒戚里錦成行雲漢齊鸞鷺樓臺  
鳳凰上台連帝座列宿動文昌此別何年會  
王臣事四方

星霜驚易序鴻雁喜同聲結翠青松合凝光紫  
霧生分庭俱下拜列座細通名半為離人思翻  
多歡會情

少別成經歲重逢尚問年登龍瀛海近倚馬漢

宮連日色臨雙掌  
陽光動八埏  
頊陪芳躅後長  
立泰階前

懷座主張宮保陽峰公

憶昔陪芳宴  
春雲生西堂  
從珎皆宅俊  
賜醴出  
君王倚鼎調  
蘭氣聯裾傍  
日光金陵懸  
夕望欲  
往限津梁

懷座上禮侍蔡鶴江公

往歲遊金苑  
春風桃李滋  
儼然師席重  
列以漢  
官儀劍履餘  
神采門墻起  
夢思淮南千里道  
日

稀是夢魂

招隱

徧遊天下寺招隱舊知名龍卧雲猶濕虎跑泉  
始清山松不改色風竹自成聲帝子今何在荒  
臺起暮情

除夜對國博景政光祿志愷銓曹君辯席

問作

作客憐雙鬢長安經幾春漫傳今夕舊又及歲  
華新看劔猶衝斗開尊欲醉人燈前聽玉漏骨

肉爾為親

送林見泉節推潮州

君復官南海行蹤總舊程  
月色多鄉夢潮聲動  
客情慣持三尺法能使萬人平  
何日微循吏同  
遊五鳳城

贈友人遊太學歸東廣

折柳憐春暮調蘭愛日長  
燕雲如點綴粵樹更  
微茫雙劍衝南斗孤帆下夕陽  
談經曾壁水夢  
寐  
聖宮墻

贈丘判州解馬還任

為民輸國馬出塞給官兵  
不有千金直那能萬  
里行風塵悲往事日夕軫邊情  
寄語東歸客仍  
將租賦平

贈徐司教

憐子才名舊為官組紱新壯心  
還未老行色正  
逢春烟柳依沙堰晴鷗浴潞津  
輕舟乘雪水容  
易楚江濱

送張都閩

相國無文武承家自不群  
九重新雨露八陣舊風雲  
醉別黃花酒行看白劔文  
邊城尚鼓角畫地破祲氛

嘉蓮

上宰調元日仙藻若有神  
孤莖章兩象異萼應三辰  
經月香仍遠凌波色轉新  
同心誰獨苦偏識采芳人

東村兄觀燈賞蓮酌月種麥四時吟惠教漫興次答

騎馬長安市春遊十二年  
廣都開火樹複道照金蓮  
七校香車度千門珠履連  
故鄉同此夜萬里各風烟

池引金溝碧蓮開歲歲紅  
看花皆上客作賦與群公  
不及西湖裡相從小艇中  
荷深鷗鷺狎烟水亘長空

烏鵲巢高樹閑山起暮愁  
金波雲裡淨桂影酒中浮  
聽笛當今夕登樓度幾秋  
清光渾不減一色照神州

琴史緣清暇為園玉堰西三春蘭滿畹九日菊  
成蹊吏隱憐鴻影禪棲厭馬蹄故山多麥隴芳  
草已萋萋

荆南道中

擊鼓何村急田家播穀忙楚人布秧以擊鼓唱歌為度農人  
安故里遊子事他鄉迢遞関川迴蹉跎歲月長  
所嗟容髮改猶媿漢馮唐

荆州渡江

孤鳥來雲外片霞沒樹邊荆南多賈市沙渚挂

漁船全蜀下通楚秋江亘接天中流簫鼓泛不  
似魏公年

渡関

車騎関前過人生底事忙汴城分省轄趙國續  
封疆地設重関險雲流五色光驅馳成病暘瞻  
関詎能忘

寅卿趙桂野督牧江南中秋有懷

八月潮應大江平月正明知君不能寐何處獨  
含情擊楫波千頃倚樓笛一聲永陽山上盼天

氣逼人清

馬院蔣毅所督牧江南中秋有懷

未別即相思思來淚欲垂經年惟問病無日不  
親醫 皇事何相逼客心祇自知生憎秋月皎  
此際作分離

過呂梁洪

砥柱能東障洪梁遇上流一宵風雨至萬頃水  
雲浮野樹全低岸人家半在洲所嗟多蕩折禾  
黍已無秋

往年曾渡險新漲若為平噴沫依山轉生波浴  
日明人從天上坐卅似地中行不見雍門者空  
聞流水聲

昨夕牽鄉夢新秋動客心風雲時聚散魚鳥自  
浮沉楚漢空爭長韓彭不可尋祇餘城壘在長  
傍古槐陰

丁巳中元過濟上同友人戶部主政袁民  
悅飲南池次鷺湖公壁間韻

醉酒高樓上何人是謫仙河流猶旦旦月色自

年年槐露沾珠履蓮風入綺筵朋情殊未已  
揆舵促行船

放舟齊魯下孤鬢入新秋歲月從他去泥塗愧  
晚收故山頻在望嘉節倍生愁杜甫曾為客任  
城亦漫遊

維舟偶傍濟城隈登眺悠然宿霧開取醉何緣  
逢地主留題俱是揆天才坐看古渡雙垂鈎移  
向南池一洗盃惟有酒樓高不極仙踪香靄去  
還來

雉堞周圍曲水隈觀瀾橋畔畫亭開同心喜有  
看花伴即景慚非作賦才淮上忽聞停戍角濟  
中相與樂仙杯不知胡騎秋風起猶敢南河牧  
馬來

滁陽別友人

每憶傳經日相從在帝鄉豈期分袂後重晤  
是滁陽十載離情久一朝歡意長如何又別去  
遲爾醉春觴

途中遣意

讒人嗟罔極所喜聖朝清點璧殊無失誣金安  
足明林園朕幾載日夕欲兼程春到生芳草濡  
毫總有情

奔走空皮骨六年萬里餘踈狂霜厚祿傾覆帶  
高車喜得投簪日還如結綬初春風開竹徑夜  
雨長園蔬

窮冬逢作客落日易生愁蝗後成年歎冰來滯  
水流驛樓荒裏渡村舍遠中求菊酒斟盈罇河  
魚上小舟

駕幸西陵

陵園春雨夢思多鳳輦龍幃下禁坡直北重關  
連朔漠將軍邊事近如何

遠從千官依日御新開三殿向榆河爐烟裊  
裊騰春霧猶引朝儀封事多

黃金臺上瞻仙仗野曠風清輦道疏最愛沙河  
星月皎夜深偏照紫宸居

炎皇定鼎靖沙胡宮闕樓臺此帝圖白晝銅關  
嚴甲士青宵羽箭報金吾

君王為卜岡陵吉十八盤中峙鳳凰天壽萬年  
傳駐蹕詞臣誰復擬長楊

送友人出郭

跨馬送君十里橋橋邊野渡幾蘭橈離情細逐  
新流水春色晴看翠柳條

細雨輕塵浥午風春遊偏愛 帝城東小橋流

水通幽徑隔岍汀花幾點紅

題海青

海霧茫茫樹影微扶風遙入上林飛漢王不吝

千金直博得天鷲一隻歸

送太常李樓雲守磁州

羨汝才名出奉常曾將禮樂獻 君王于今作

牧勞符竹欲使絃歌入滏陽

論詩喜及黃花暮告別愁聞白鴈聲明日星輶

雲樹隔相思寧似故人情

愛春

二月河津楊柳花東風搖曳落誰家春光九十  
今將半悵望青樓夕照斜

少村漫稿 一合卷下  
贈郭錦衣躍泉

漢將少談雲鳥陣 禁廷新拜虎符臣  
秋天白日明戈戟 羅綺輕驕躍馬人

池館樓臺帝里東 錦袍初賜五花紅  
三千珠履同瑤席 醉裡時聞長樂鐘

羽箭貂裘白馬肥 平明入直紫金闈  
晚來花底喧歌吹 曾識汾陽見虜歸

秋夜同沈省齋王河看月口占贈之入濟

步月河梁喜及秋 相看月色照東流  
無情最是

城頭月流水何心管別愁

我客燕城君入濟 與君一別即三秋  
不知太液池中水 猶繞河東醉月樓

宮漏沉沉城閣清 九霄雲淨萬方明  
不堪靜聽樓前曲 一夕離情白髮生

月色低臨龍鳳闕 水流迥出螭鰲橋  
明朝相送成千里 背向西風白馬驕

題杏園賜讌

曲江江上杏花紅 朶朶新沾雨露同  
聞喜承恩

誰獨醉斜看燕子舞春風

聞車

征輪門外何鞞鞞六月長安炎暑蒸主第侯家  
忘晝永絃歌枕簟列層冰

清明

初試春衫出禁城輕烟晴日是清明南望鄉關  
天萬里鳳山雲樹獨含情

十載長安似浪遊乘春時出紫宸樓不知故  
國松楸綠依舊東風錦水頭

送大行李潯江使齊歸省

五色晴雲曉欲低新承朝命使東齊羅衫白  
馬行春日北海孤山望不迷

都人珍重使君行獨立層霄捧日情路入瀛洲  
青鳥近朝看南越白雲明

經年列館帝城東日日郊遊引轡同醉裡忽  
聞歌別調愁看芳草向春風

欲別依依萬里情連宵絃管泛春聲明朝驛路  
烟霞裡夕照相思五鳳城

三月青門柳色新西郊相送轉情親知君使節  
經過地楚水吳山俱是春

題月洲

我客驚湖忽十年月明時泛木蘭船清流夜映  
銀河碧沙磧秋含遠樹烟

春日送陳主教

春日春杯春色曉春衫策馬動春雲燕山春樹  
眇何許一路春風日送君

春入平原桃李新官齋猶似洛陽春藍袍碧

清相映俱是瀛洲作賦人

康礪峰宅中上元讌集

月照金門玉漏遲燈城火樹上元時東風偏向  
瀛洲客醉裡梅花春色宜

門連祭戟五侯家風送鸞笙錦曲賒杯泛黃金  
遲月色盤行白玉薦春華

招隱

幾樹桃花洞口開春風遙送謫仙來不知天地  
何年老醉吸山泉當酒杯

六朝宮殿沒蒼苔  
往事江流去不回  
惟有龍光猶未歇  
夜深偏照讀書臺

躡盡山亭石徑迴  
我心麋鹿自爲媒  
老僧欲別雲關外  
何意朱衣送酒來

招隱尋春又鶴林  
白雲相伴亦禪心  
請看古寺階前竹  
依舊斜陽半院陰

贈醫

久客風塵憐病渴  
檢方相向夕陽斜  
君心似逐春風轉  
細雨柴門有杏花

建寧道中

麤麤短髮鏡中多  
逆旅光陰似轉梭  
山徑獨憐春雨後  
奇花無數雜藤蘿

爲叅軍鄭以材賦雙親榮壽

南湖遙望北辰中  
錦軸天書下漢宮  
家住鹿門持綠玉  
長從仙母醉春風

幾度秋風客帝城  
不堪遊子遠離情  
詞人欲擬長生曲  
併入江南彩鳳鳴

題櫻菴

高僧說法住名山  
祇在孤燈雙樹間  
怪底禪心猶未滅  
雙移椶樹與雲間

都門大隱喜看山  
鶴榻時橫梵宇間  
風動數聲椶葉響  
却驚清晝夢魂閒

贈劉別駕古岡之任夔州兼省覲

汀花爛熳弄春暉  
畫錦人從天上歸  
拜舞堂前歡未畢  
征夫又促使輶飛  
巴東形勝開雄郡  
之子乘春作壯遊  
不見當年雲雨處  
至今惟有楚臺留

贈西塘之任雷州

十五年來客帝鄉  
都門時有祖筵張  
不知折盡河橋柳  
曾立東風獨斷腸  
憶昔燈前風雨時  
三年相對客心知  
宦遊乍喜重逢日  
又向芳尊說別離

謝王筆峰重陽送酒

簾外黃花開滿枝  
獨憐秋色賦新詩  
寒城尊酒能相送  
烏府風流爾更奇  
一別園林忽十霜  
花開花落幾重陽  
長安誰是

看花侶獨上高臺憶鳳凰  
塵世百年渾易老驚心節換酒杯開君看九日  
花長在三徑門前今草萊  
思君歲晏鴈翩翩况復東籬花可憐欲折一枝  
遺遠道涼風細雨拂階前

壽圖

雲裏高人日月長柴門流水杳茫茫不知滄海  
何年變徒羨瓊田春草芳  
高卧商山已歲時雪  
此療饑更憐長夏

堪幽興日伴仙翁醉酒卮

萬朵芙蓉削不成秋來蒼翠更分明瑤臺坐看  
天心冷閒數飛雲過太清

古樹亭亭晚色陰閒情相對歲寒心萬年枝幹  
成千尺夜半青龍作雨吟

為李東岡都諫題雙壽

清漳河上彩雲回錦瑟鸞笙白玉杯闌苑仙翁  
凌紫駕瑤池王母下春臺

錦軸天書自帝家丹砂金鼎駐年華洞門長

向春風裡笑對蟠桃滿樹花

輝輝南極映春城玉署彤闈客裡情遙憶諸郎  
娛壽彩獨憐遊子在神京

上苑不堪芳草綠南山遙望白雲明欲從銀漢  
傳春信玳瑁樓前紫鴈聲

塞上雜歌贈趙總制

黃雲風捲河水合白草寒凝朔雪深但使元戎  
能愛士誰無獵騎破胡心

昔年求糧苦不足今日官家升斗平健兒自道

持雙戰騎虜相逢一死輕

八月邊城秋色鬧壯士酣歌誰苦寒爭欲開關  
擊胡虜生擒酋長入狼山

虎帳初開靈武壁豹旗日繞賀蘭山山頭遙望  
無烽火淬劍磨刀黑水彎

生長幽方慣戰袍少年自許五原豪沙隄榆柳  
春仍綠走馬清陰弄寶刀

丈夫孤矢靖胡塵白日長懸報主心可惜單于  
未款塞漢廷猶自議和親

河套舊湮豺虎窟匈奴元是犬羊群大明日照  
陰山雪長漢風生隴磧雲

古來天子重邊愁秦築長城瀚海頭百二山河  
懸六鎮報恩不敢說封侯

雲中貔虎擁三軍往事驕輕不可聞今說甘心  
新節鉞指揮八陣舊風雲

開府聲華動八蠻臨邊籌策振三關羗戎小醜  
何須計東豎春耕甲士閒

朔風一陣胡沙起誓死烽烟欲報恩拔劍長驅  
抵絕漠鳴弓射獸獻轅門

獨上高臺倚劍看大荒風淨白雲間斜陽指點  
寒鴻影都帶天邊日色還

嘉靖己亥南巡歌用韻

玉殿金門午夜開翠華黃幄下仙臺廬溝橋北  
燈如簇照見香烟紫霧來

黃泥千里築新坡忽入大隄聞楚歌聲落湘江  
春水綠歸心日夜憶天河

裊裊旌幢夾日來天南風淨彩雲開燕人馬上

過京洛問是誰家銅雀臺

九霄日月耀宸旂萬國舟車擁冕旒南望湖

湘雲樹綠君王不是愛春遊

前驅都護度關津宛洛春原官舍新郡邑分門  
供廩餉黃昏馬上點行頻

三春川峽下荆門襄漢江聲萬馬翻錦纜橫舟  
成輦道琉璃新築帝城垣

清道女兒千萬家帝王南狩羽旗賒舊時楊  
都今芳草空度春風憶物華

入淮揚道幾樹梅花點月明  
君到西湖春酒熟湖中春水白魚肥  
茫茫烟靄堪垂釣天遣遊人此日歸

聞砧

蕭蕭木落五陵寒搗練誰家夜已闌  
月照羅帷人不寐倚牀猶自怯衣單

贈陳司教

頭白為官別紫宸羅浮山杳海雲濱  
春風桃李緣門徑細雨空齋莫厭貧

元夕贈蘇州二守如雍姪

春燈春月是春城相向尊前二阮情  
今夜逢春春尚淺更看春色老蓬瀛

送錢南湖任楚雄

疋馬燕雲夕照斜江南春到有梅花  
行人莫唱梁州曲諸葛邊營屬漢家

駕往西陵

臘月雲霾苦不晴貌貅百萬怯衣輕  
但言子深宮處猶向山中風雪行

大峪雲深紫氣明翠華親為築陵行  
雀蛇龍虎千年壯檜栢松楸百代情

元日侍班

叨陪侍從奉天東裊裊雲烟春日紅  
惟願君王多福祉詞臣歲歲賦東風

蟠桃

百顆蟠桃今幾時浪傳此植自瑤池  
秋風不老仙家樹春色年年入酒卮  
仙桃盤屈三千里杳隔雲深碧海來  
我亦欲尋

劉阮去路迷何處是天台

贈東谷之南歸

嶠夷地近受陽賒十載辭家憶物華昨夜東風  
何處是谷前谷後已春芽

別我還鄉上小艇柴門東向是君家壺中細雨  
逢三月知憶長安桃李花

九日送友人還莆

黃花不為離情綻綠酒偏因別思深高望雲山  
何處是憑君一寄故園心

非高御氣盡仙寰今古乾坤自往還眇眇青冥  
飛一鴈飄飄白羽過三山

南嶽紀遊

昨秋駐節武夷宮訪道南山入夢中管領春風  
花鳥外忘機我已授仙童

飛鳥乍聞羅漢語名僧種樹長娑蘿花開百合  
供調膳醉石長招猿鶴過

上方信宿紫虛清祇有泉聲併雨聲轉覺幻塵  
飛不染任從來日自陰晴

齊心淨獻玉壇文前殿歌鍾後殿聞杳靄若承  
雲旆下西來又禮魏元君

山風吹霧鎖高臺若為遊人住不回欲寫仙蹤  
猶閣筆生憎下界僕夫催

瑤宮手掇金光草欲汲飛泉作壽杯遙獻一心  
天上客五雲深處是蓬萊

橋下水流花片片前村古寺有天台相逢不必  
皆劉阮他日人傳仙子來

寄適

寒閣調梅供奉頻錦園花木自芳春臨風不暇  
携尊賞吟望台階一注神

園中種樹多桃李每到開時不及看但願花神  
長入思芳情豈必在憑闌

自從結髮侍 君王白首論心在建章忽憶綺  
園芳草綠賞心無計付春光

上林松竹映空明漫興相看晚翠榮即與名園  
春色似乾坤何處不怡情

次院長後九月十日對菊

今歲黃花何太晚  
祗緣閨月再重陽  
憑闌更喜花如昨  
紫閣朱衣送酒尊

回鴈峰竹院口占

秋入小亭楚水邊  
萬竿翠色尚依然  
分明迥與塵寰隔  
吹老清風不記年

欲截一枝鳴鳳吹  
無端風雨忽蕭蕭  
琅玕滿地無人掃  
遺却藍田春日遙

梵樂乍驚宿鳥飛  
片雲江上月華微  
如何湘竹當年淚  
猶向西風灑客衣

花藥寺

舊傳仙子丹成日  
花下嘗棲五色禽  
藥鼎已侵芳草地  
松陰空鎖白雲岑

秋入嶽亭清磬遠  
春來湘水落花多  
吏情似與禪心共  
月色空中一嘯歌

對蓮

山下池開半畝蓮  
香侵翰墨度簾前  
夜來風雨何相妬  
濺落荷珠碎却圓

亭亭翠蓋出泥中  
錯獻千層菡萏紅  
八喜群芳

時聞白賞心人在水晶宮

寺中見桂

可堪一日幾迴腸南瞻閩雲帶夕陽欲寄愁心  
明月裏春蘭秋桂為誰香

對月

雲本無心翻妬月晚來踈雨黯江城廣寒忽放  
嫦娥影依舊關山萬里明

對酒

風送西峰午雨來蓮花嬌艷半塘開碧筒欲折

憐絲縵山鳥飛來一勸杯

秋日偶作

誰言秋入詩人興我每逢秋動客愁帶甲貔貅  
今滿地庾公何意獨登樓

觀蒙惠二泉

二泉噴玉下荆門流鉢峰前試一尊石罅微茫  
通蜀道胡僧眼底識泉源

舊傳流鉢蜀中所製者以此知山竅所自

謁武穆廟次壁間韻

書生早計識權臣事主肝腸越與秦南渡已隨

流水去空憐祠下吊忠人

怪爾靖康獻納臣言和惟恐不同秦甘心君父  
雙囚虜偏殺盡忠報國人

### 疑塚

分香賣履事堪悲枉用機心至死時猶恐一身  
歸未定多堆黃土使人疑

### 過邯鄲

處世盧生何太苦也曾枕上見榮華當此不與  
黃梁夢白首青春空自嗟

無端邂逅邯鄲道語及生平得數奇

廟碑

何幸

玄機猶不秘分明託與夢魂知

我輕萬里遊都下自笑驅車六月忙百歲光陰  
渾一息欲傳真訣竟茫茫

### 王昭君

妾是漢家女出塞本無期淡粧亦宮樣誰知妬  
娥眉貴賂不貴盡殺之竟何追以茲增憤激誓  
死報恩私

### 遊武夷

三十六宮春色好，奇峰疊出作仙家。我今駕鶴  
遊何處，歷盡玄蹤飽紫霞。

武夷山下溪流淺，九曲扁舟歌若何。聞道前溪  
猶有曲，春來流水落花多。

### 登醒心亭

夕陽人渡小橋東，隱隱雲屏入畫中。醉裡回遊  
誰獨醒，半輪明月挂前峰。

### 書西廳小亭

如此山腰作亭，樹何曾一費。買山資，林間雲鳥

來無數，三鶴今年巢一枝。

鶴胎二丁巳生于亭  
之東者三實紀也

幽亭曲徑通流水，日暮尊前對此君。雙鶴自來  
還自舞，一聲長嘯入青雲。

### 孫太守環山庄上對芙蓉

朶朶芙蓉碧水隈，不知今日為誰開。山人報道  
看花侶，喚醒花神遲爾來。

一訪幽棲眼倍明，花山山下水偏清。獨遊江上  
花饒笑，愛爾秋容似我情。

生在秋江色絕奇，分明濃淡各相宜。若臨粧鏡

人能似肯惜千金一顧時

風飄落葉侵流水水上名花獨拒霜誰識寸心  
終自見偏於霜後壓群芳

芙蓉一名拒霜

自昔名花羨牡丹春風嬌艷令人歡若教植此  
沉香北也得君王帶笑看

山公每醉習家池倒着接羅馬上騎花月故留  
歸未得高山流水自應知

### 釀泉

山下有釀泉誰能似紀叟但得此中趣何須傾

百斗

### 醉翁亭古梅席上口占

昨宵枕上聽風雨祗恐紛披花欲殘曉起尋芳  
來澗外依然玉樹兩相歡

當軒酌酒酌花神願得年年對此辰莫就開時  
看早暮枝南枝北總芳春

江南二月疑飛雪香韻因風知是梅索笑簷前  
清不極芳春端占百花開

春臺偃蹇數朝枝風雪幾侵冰玉姿向晚不知

何處笛一聲忽動故園思

縱是虎頭畫不成龍麟盤斝數枝橫更斟雪酒  
孤芳共東望海雲片月生

南譙誰植羅浮樹一問山僧不記年若使醉翁  
曾醉此今人遮莫更留連

如何苦入詩人興錯比名花雪共春况復枝頭  
能結子偏於日裡長芳神

夕照鶴癯花共瘦歎斜妖嬈不勝寒洛陽共道  
花如繡亦在春深此後看

絳蒂黃中香氣浮花開五數協中疇君王若喜  
調商鼎移向上林玉檻頭

徙倚高枝凌短鬢摘來杯裡注春愁也知一別  
揚州去他日相思洛水頭

寅卿趙柱野宅上對水仙花

對此清芬梅作侶水晶爲骨玉爲神凌波欲溯  
銀河上暫向人間度幾春

夏玉鳴金搖翠羽若從江渚挹花神故將瑤珮  
聊相贈肯信東家別有春

瑶臺春色每相宜  
盆裡嬌黃逞玉姿  
苔蘚半蒙芳葉下  
託根慎勿俗人知  
一從品藻黃山谷  
再見新題趙倚樓  
花下尊前香不斷  
玉人何處覓春遊

七夕泊舟清源

邂逅清源雨乍晴  
天河月色漾空明  
羅幃寂寞支機冷  
其柰牛郎此夜情  
鵲橋歡會是良緣  
猶恨離情尚隔年  
曾奈人間長在客  
空將今夕倍愁眠

樓上對月

銀漢無雲霜月白  
擁書不寐獨登樓  
庭前半落空山影  
縱有芳尊柰爾愁  
湖海萍踪何日定  
故鄉今夜月同明  
嫦娥不啻關山杳  
偏照寒齋客裡情

井梧

井梧飄葉無人掃  
更著風吹疊砌深  
草木由來驚歲晚  
人生莫嘆二毛侵

紹興謁

相公李渠師少渠中翰作主

太液登龍今幾載乘舟茲復入山陰天心若解  
幽人意二月江南白雪深  
此邦山水聞絕竒今日始登越望臺縱使画工  
圖不得天風萬頃海濤來

釣臺

君房鼎足中興日一變姓名入富春齊國上言  
垂釣者疑是皇家物色人

漢使安車幾度來同心特詔濟川才肯因日暮  
聊相屈棹札侯生亦壯哉

諫議大夫堅不拜何於建武復來招請看唐帝  
容巢父鴻鵠冥冥亘紫霄

同學故人能下賤榻中加足動星辰若逢 聖  
祖知相迫肯許巖光不漢臣

灘頭七里露漁磯夜夜春山有少微也信侯封  
死有命凌烟不易勒名歸

知君故是狂奴態不厭羊裘釣澤心八十泉靈  
猶受寵漢恩還比此灘深

若得桐江江上過汨羅安有楚魂悲漢家晚祚

多奇節盡繫清風一釣絲  
獨上高臺捲幔看儼然遺像肅江干  
瓣香一獻溪前水習習清風兩袖寒

中丞劉芾川招福州西樓觀競渡

佳節同登江上樓飛鳧點點水中浮  
舟人不能沉羅事一醉誰知吊古愁

汀蒲漠漠水盈盈復有江花相映明  
夾岸旌旗搖日色太平簫鼓泛春聲

去歲江城早閉門今年城外笑歌喧  
撥金伐鼓

龍舟上遊子誰知主將恩

苦博利名總是虛請看爭渡竟何如  
滿拚心力風波上所較爭過尺寸餘

寄語歐生事亦神忠魂長在楚江濱  
色絲揀葉聊相薦猶恐蛟龍識未真

龍起江翻萬艘飛幾人奪得錦標歸  
水流不競心如許穩坐樓頭看是非

千里折衝樽俎下使君不說赤靈符  
他鄉知己誰能並切玉須傾酒百壺

聞鴈

忽聽軒前鴈一聲  
春來何急使人驚  
若飛塞北謀棲止  
的的關川萬里程

題美人

愛汝飄飄月下遊  
相看無語使人愁  
流傳玉女難描畫  
如此何須顧虎頭

送胡貳尹歸衢州

從此不嬰塵世網  
尊前花月興偏餘  
官舟穩坐春溪漲  
一出閩關即是家

瑞竹

古風

芳園秀溪曲亭亭  
竹且滋中有七節上  
駢秀挺兩岐拂雲棲  
朱鳳天然見瓌竒  
主人對細帙日夕  
坐忘疲振纓踐文  
陛抱貞作帝師清  
風披黃閣高節揚  
明時永懷父師訓  
愴惻良在茲棠構  
仍舊址封殖發新  
枝長以承湛露悠  
哉君子思

瑞芝

瞻彼鈴山麓叢芝  
產其陽輪囷若成  
象殊色區

以章應圖儀三德曄曄揚輝光黃輿蓄其秘曜  
靈際明昌匪直延恩賜高閣當茲祥詹之宜胤  
祚壽考允無疆

采蓮曲

少小家橫塘淡粧蕩小扁穿葉憐並頭祗畏香  
風剪朝看花始舒亭午花復卷舒卷一移時妾  
心安可轉繾綣比中流試問孰深淺

贈蕭山令施欽甫之任

我愛許詢氏築室憑芳林起迹絕塵網蕭然  
外心因之名此山瞻懷欲登臨有友揚天惠素  
身重南金逖為神明宰藝花撫瑤琴孤蹤未云  
歇欵睇白雲岑願言垂湛露永遺棠杜陰鸞鳳  
一棲止山靈何古今所貴名不滅安論浮與沉

似樓為太宰李古冲賦

跨岬結華屋俯瞰建水濱檻楯何詰曲隆棟出  
寰塵綺䟽流日月飛棟躡星辰宛若高樓峻所  
居宜仙人卜構仍幽勝夷然物與春桂蘭盈深  
谷松竹鬱蓊蓊綠疇繞花徑迤邐野市隣軒外

魚龍窟舟楫濟平津極眺亘百里廻合芳氣新  
結軫恣遊賞咏歌各自陳以茲觀物理伊何乃  
其真高賢已冥悟邁會且秉鈞馳情遊千古遠  
念周八垠瞻言惟其有因之契若神始知名樓  
者一心抱經綸

贈陳未齋司教肇慶

蚤歲期明德信美匹鳳凰中途多戢羽於今凌  
風翔契闊諧良晤經年客帝鄉藹二日以親  
莫若芝蘭芳眷予二三子執經講帷傍幡然殊

有悟睠懷翰墨香一官之萬里使我紆煩傷  
日臨岐路別緒誰短長殷勤置尊酒河樹半斜  
陽酣時迷所往醒來詎能忘

竹溪

鳳尾龍梢不受塵風雨蕭蕭經幾春春深倚倚  
春水綠溪行疑是湘浦濱湘浦雲寒愁斷絕帝  
子之淚何時滅美人截之致相思明月一聲心  
欲折

贈光祿沈玄洲奉使省覲

秋日祥雲曜紫清金莖玉露灑神京報道新裁  
五鳳詔赦文盡出 君王情香蠟紫泥函尚濕  
千官拱聽彩鸞聲使臣銜恩出馳道九關五陌  
歡娛生行入江南春似海衣繡畫遊閭闔城城  
中車馬皆相識故園草木亦含榮吾聞高士雙  
溪翁紉蘭鈞璜吳之東卜築紆廻蛟龍浦夜夜  
龍吟嘯天風 聖代華封當古稀金章綺服爭  
光輝風送瀛洲青鳥下雨深湖水白魚肥雕楹  
畫棟列樽俎舞影歌聲雜珠璣醉看吳王宮裡  
月月照幾人能白髮何況中丞風烈存大官猶  
是舊袍笏以茲行樂須及時長生本是神仙骨  
金光瑤蓋出崑山探玄吸景駐紅顏我欲駕鴻  
凌雲幃與翁海上相往還

贈南符卿汪栢亭兼省覲

長安五月雨不止潞河瀟瀟增碧波仙舟香入  
楚江去故園芳草何其多遊子返棹秋水清好  
風一日無十程鳳凰臺上月正白知汝相思似  
我情

贈徐聞方尹洎川

人生相見莫嫌晚，傾蓋一言兩心同。看君神采  
爛虹霓，狀似龍馬行。天空杳入雷陽布，霖澤草  
木熙熙生。春風春風浩蕩過海上，與人歌頌何  
淪淪。雲深回首望高樓，樓上有人愁。別君兮萬  
里，思君兮流水。水東流兮無淺深，道南歸兮何  
迤邐。鴻鵠一舉摩雲霄，鳳凰臺上聲脩脩。俯視  
萬方皆寥廓，鈞天忽聽舜簫韶。

贈伯元宗子歸天台

杜陵總是名家子，白駒赤血能千里。追風躡景  
匹神龍，一顧長安秋。思起霞標遙立海城岑，台  
彩低臨玉樹陰。我亦有夢遊天姥，欲入翠微訪  
竹林。

慶源堂

嵩嶽峻嶒中天地，三十六峰皆環翠。北控大河  
來激湍，望沫揚奔何時已。君不見河源濬發自  
崑崙，迤邐大活之井承淵之谷。甘水神液何太  
溫，東徙人間駐長壽。紆迴積石度龍門，公家沂

河枕天險巨靈呵護符寶存安定傳經破墳典  
豈止道德五千言相迹肇基皆戩穀湯湯福澤  
貽仍昆芳蘭玉樹叢十洲朱門甲第列五侯兄  
弟兩都聯八座四世公卿陳太丘天老居然沛  
霖雨調梅視草鳳池頭朝回群從榻堆笏仙館  
瓊漿醉卿月十輪三戟謝漢家以嗣以續登  
闕今人共羨全盛時昔賢苦心那得知佐唐  
封自文叔浚源導流無盡期願言來世召公似  
夙夜遑遑懋敬止請問嵩下河流何日得西歸

慶源與之相終始

贈趙白樓總鎮宣府

昨歲虜騎犯紫荆輔畿列郡皆震驚 天子推  
轂賜金璽直西妖氛須臾清干今下詔防秋蚤  
使汝專鎮朔方城幽州士卒望節鉞割羊持酒  
相歡迎少時曾營三關陣老來慣識強胡情萬  
金懸賞募死士拔劍彎弓實漢兵堅浚高深壯  
天險帳下與之苦樂并單于射獵龍山北征戰  
舊聞飛將名敵壘從茲烽火斷邊陲無復鼓鼙

聲一曲梅花隔銀漢塞垣秋月為誰明

贈林小山之任上虞

握鐔誰知已調蘭我自親幾逢金闕裡重到玉  
橋濱雙鬢憐為客一官幸到身傳經宮保舊結  
綬漢恩新堯日明三極舜雲護四鄰竹符光啓  
潤花塢暗載春枳棘鋤將盡鳳鸞棲有神徵書  
還欲下未可負茲辰

憲伯游可齋入賀

聖壽適誥封尊公賦此

函表趨丹陛承恩出紫宸雲題香尚濕

天鑒寵應頻衣繡烏紗舊紆金白髮新龍山騰  
瑞氣鳳沼普同春錦瑟歌初度瑤觴酒正醇  
皇情殊未已歲歲慶芳辰

元輔七旬 排律

聖皇登寶位名世應昌期圖籙禎先兆形容夢  
已知爨坡曾授簡石室蚤摛詞間代文章伯中  
朝禮樂司璧廡周道化蟬冕漢官儀緝衮升黃  
閣持衡佐赤墀泰階通地絡鰲極奠天維草視

巖廊密梅調鼎雋宜重華協 帝日一德告王  
時傑直官垣切經綸禁漏遲金蓮分旣醉玉馬  
勅仍騎紫蠟勤封事瑤章慎論思乾文輝舜藻  
晉接動光眉淨掃欃槍落光廻斗柄垂鳴鈞陶  
有象至正贊無爲平格前難匹中興今在茲孤  
忠扶社稷洪澤遍華夷湛露滋高掌祥風拂翠  
旗愛賢頻吐握閱士每詢咨共聽韶方奏自慚  
竿濫吹幸逢天老壽敢賦玉春詩淑氣催軒律  
陽和沃 帝慈承歡鄰黼座賜慶出瑤池御饌

珍盈釜僊漿香滿卮榮叨芳宴及感併寵恩推  
快觀稀齡度端居列辟師鵠行瞻獨鶴龜算數  
非羸對鏡顏長駐勝簪髮未絲分明松柏質不  
改雪霜姿寄適情偏逸遐觀景更竒山含三島  
合海注百川隨雲翥丹丘鳳雨藂玄圃芝神州  
春蕩蕩禹甸物熙熙願奉千年曆明良福履綏  
忠弼堂

昌期虞典著亨會禹謨陳端揆繇三禮平章作  
四鄰重華猶命德孤赤欲捐身丹鳳鳴振羽蒼

龍批逆鱗調梅長鑒日視草每回春賜對璇霄  
切承音玉漏頻名堂祈睿藻握筆注皇神錦字  
踰華袞琅函下紫宸元忠嘉相國永弼望師臣  
耿耿心匪懈遑遑治欲純股肱隆體貌耳目益  
情親寶鼎須金鉉瑤題應席珍摛文卑宋室揆  
翰侈唐人柱石堪隆棟著龜凜佩紳奎文流翼  
軫乾象列星辰傑峙鈐山麗恩波楚水新



P54

風雨急枝頭盡濕淚痕紅

植根九畹貞心在今作江南第一花知汝花神  
香不斷因風吹入帝王家

癸亥正月既望先大夫思軒公忌辰志感  
父背三十有七載每逢此日倍傷神他年俱是  
他鄉客今朝又作亂離人  
我今之年六十四豈意倭奴絆此身羅漢松楸  
何人掃百年堪恨不生辰

平海道中

癸亥正月廿七倭離  
甫往破平海岐頭

本欲逃生逃不得  
徬徨被執入營中  
人間行止  
天應定六十四  
齡到海東

岐頭樓上

海角岐頭城已破  
夜行十里寄山樓  
傷心滾滾  
東流上無數  
新尸水亂浮

春霧茫茫入小樓  
誰知樓上有人愁  
夷人不解  
唐人語傳譁  
何從免滯留

寇盜紛紛寔可哀  
新倭復報泊船來  
此身羈絆  
春將半  
遙憶故園花自開

門夜已昏

玉湖對花

滿樹茶蘼紅似錦  
平鋪玄圃越芳春  
客來卯酒  
渾忘醉肯信花間別有神

三月花開十里香  
千紅萬紫弄春光  
不知午雨  
來何急出郭看花轉覺忙

乙丑冬重過古囊

不到囊山上  
于今十二年  
路迷荒草裡  
寺沒古松前  
何處來清磬  
空山賸法筵  
倭奴頻作祟  
無

地可安禪

虎溪三咲後圖畫幾人傳風景憐今日登臨憶  
昔年珠林芳樹合金刹碧雲連詎意紅塵起齋  
心祗自憐

淨域何銷歇禪門果是空一燈山月下孤鉢野  
雲中棟橈埋秋草塔危帶夕鴻終期掃壇級來  
上辟支宮

本是吾宗子超然雲外情重蓮昭帝貺雙虎狎  
師行縮地通仙界扣關入洛城空餘丹鼎在採

藥學無生

飛錫從初地布金種福田獸蹲承跌座鳥喜結  
花瓊芝產靈池潤松滋甘露偏禪心明皎月茲  
事已千年

翠微分半榻勝託此真緣披草尋龍藏過溪飲  
虎泉香花縈下界脩竹出諸天忽憶同遊者淨  
生殊可憐

臘月六日雪

邦人不見雪三十有三年地拆炎方異天垂瑞

澤偏簷前堆不樹海上寂無烟稚子歡岐路漁翁泊釣船

不寢聽寒漏擁衾蕙幔中乘虛侵半榻平白出遙空宜麥知春早飛花卜歲豐暮齡欣對此朋好一尊同

丙寅春日

春迎東郭外喜過小樓東天上璇璣轉人間錦繡叢碧山春酒綠玄圃臍梅紅忽憶金銀勝承恩出漢宮

古囊壽藏

天削三峰挂紫霞中峰盡石似蓮花眼前總是金銀界仙窟棲遲即當家

容易秋風兩鬢絲人生本是百年期三分歲月今過二更喜韶華愛日遲

雲山萬疊鬱崔嵬海外扶桑帶日開誰說生前杯有限年年春色過江來

芙蓉朵朵倚天栽若挹仙家擁翠開百折河流看不極大江又滙海濤來

回憶倭夷拘五月曾經萬死可生還如今喜免  
烏鳶啄白首逸情山水間

來日苦少去日多自營新兆古囊阿浮生從此  
知歸定弄月嘲雲一醉歌

雜咏

山月春臺含樹影浮光斜映翠微中逢僧未罄  
明心話幾點鍾聲出梵宮

絕頂春山樹木稀前村縹緲暮雲飛江山舉目  
還依舊曾奈人民半已非

次始祖唐御史文江公遊囊山韻

古寺荒烟重溪流脉脉斜紅花衝暮雨白露點  
晴沙慧窟猶唐月禪心似漢花誰期千載下依  
舊屬吾家

題地師柯月潭冊子

秋水一泓澄皓彩恰涵萬象與君同星辰錯落  
應無數祗在風神指點中

青青山色水溶溶月照潭心起卧龍萬里關山  
看欲盡江南江北半仙蹤

少和漫稿 卷下  
尋山覓水明雙眼既入西川又建溪喜遇薇垣  
金紫客九仙遊處亦同携

顧詩人自蘇吳來遊諸君有東山雅集卷  
贈之去後始聞其詩遂次原韻

有客傳佳句乍聞洗耳邊無緣楓樹地共醉菊  
花天亂後空文藻歸來沒杖烟獨憐雙鬢裡不  
似舊時玄

病中奉酬老東垂問

已下未第時作

煇暑何相逼寒生染患多尋方還枕褥吃藥問

嗷哦榻為醫人下車煩長者過起來文館外已  
沒舊時莎

夜雨回青竹涼風長碧波療生道氣少傷肺火  
邪多鳥語勾詩思螢光醒病甍深慙榮白髮數  
問我如何

潦倒年華易飄零一東書虛星斜度斗室氣暗  
通墟王述癡相若長卿病亦如自憐逢有道慰  
我負床餘

途中寫懷

不才還落漠去國為艱難  
雨露新楊柳煙波舊  
木蘭南行已百里午夢復長安  
閒拂床頭劍光  
凌北斗寒

過分水關

雪雨泥應滑嶺高路更難  
連朝懷魏闕此日渡  
關草落疑山瘦松孳信歲寒  
故鄉回首望渺

渺白雲間

題方洲

源發靈峰上平分蔓萃湖  
雲閒浮野樹日煖浴

沙鳧花落流飄錦石橫  
浪搏珠只緣貪勝跡鎮

日負詩逋

題慈養

披拂東風白髮前此時愛日自年年  
莫言王子方無忝未信芻郎不是賢  
善養何妨飣粥薄承歡誰覺綵衣顛  
可能尹母前為訓長向蘭堦種

福田

遊東林用韻二首

擁衣步履到東林雲覆茆齋曲徑深  
晝靜苔侵

茶竈冷地偏竹遶石屏陰蟬吟古樹風聲細魚  
躍方塘日影沉醉卧藤床忘去路麻姑樽酒故  
人心

病餘還覺冶遊勞風景悠然思轉豪水遶林深  
山日隱洞開雲淨海天遙浮生枉試腹中劍塵  
世空藏咲裡刀我願晚陰分石榻英雄誰復說  
孫曹

宮怨

露下天高葉落寒月明微步禁庭寬金鬢此日

宮邸玉扇當時列女官立候龍車聲漸杳憐  
羞鏡髮將班君王不是輕顏色一日須知萬

務難

寫懷

客裡逢春減却寒如何不見出門寬百年道體  
元無極一點靈臺自有官野棹風輕娛彩侍山  
鍾天煖憶朝班燕閩兩度空歸去今日休題行  
路難

不及出侍秋江夜飲

病魔今喜遇知音拾筆涼窓試短吟旅夜鍾聲  
來遠寺誰家砧響隔疎林攬衣欲往懷千結却  
躲無緣酒半斟無几堦前蛩唧唧孤燈剔盡落  
花深

題便面

立壁浮青俯石湍乾坤老我釣魚竿龍翻湖海  
層波急鴈度瀟湘返照殘影落深潭秋共瘦夢  
回荒館夜偏寒誰家渺渺風濤裡時泛危欄出

浦端

登君山次韻四章

聞道君山是勝山直於今日破愁顏西分玉氣  
層層出東入江心海不還縹緲煙浮城郭裡排  
徊月上斗牛間堂開浮遠青雲近此是朝天第  
幾關

層峰高不碍人遊極目增波逐海流謝氏東山  
誇後樂范公廊廟抱先憂懷思故國知何處指  
點前村是某丘江鳥欺人烟樹晚時時飛下傍  
漁舟

西風步驟到山巔登眺無端思縹然隔浦人家  
藏隱霧環江波浪湧無天雙眠沙鳥長依日列  
隊寒鴉遠帶烟不盡晚來凭欄與此日應為白  
雲纏

望窮海峙眼生花得酒相逢卽是家遊鯉山高  
紅日近卧龍江濶碧波斜喜有勝地吳都大端  
拜名公石剌嘉遠寺鍾聲僧入定披衣對月上  
歸槎

燕臺月色照離筵還憶鹿鳴十載前南北宮情  
今爾爾漢唐世業故綿綿春來桃李環行幔雨  
後槐楊拂彩船若到龍池回首望莫言河洛各  
風烟

### 留別南崖

對榻經時豈盡情受恩深處弟兼兄行緣別重  
辭應懶詩為愁多句不成寒雪千山家萬里朔  
風孤館月三更倚門歲晚催歸棹委任空慙百  
感生

候南崖不至

曉天到晚難常霽  
秋月連年得樂園  
此夜與君期後會  
相思萬里寄雲煙

中秋雨約不遂

飄飄桂子江村裡  
鵲遠高枝燈影前  
舟泛瑣塘  
虛舊約杯傾鑑水失良緣

爲錢東湖老先生題芙蓉

春色江南處處同  
賞心誰復度秋風  
喜看白髮  
湖湖水長對芙蓉  
一樹紅

爲遠峰題

客裏看山眼更明  
前山獨露此峯清  
雲霄有路  
今非遠廓廟江湖  
萬里情

晚懷

雨暗江村風葉飛  
雷聲震地響空扉  
尋經傍架  
嫌書亂煮藥憑爐  
歎火微

七夕

一度鵲橋一度新  
天河雲淨月歌輪  
年年乞巧  
今還拙影照空堂  
拙更真

題美人便面

五色雲邊桂子芳  
翩翩神女下巫陽  
環姿偉態真艷逸  
宛若游龍乘雲翔  
綠鬟飛浮蕉葉翠  
蓮妹絕勝胡石蒼  
削肩細腰垂藻羽  
環珮珊珊羅綺長  
玉指纖纖情脉脉  
花枝持贈誰家郎  
勞思効愛不可得  
咲對花開意更狂  
楚王夢中疑顏色  
髯卿畫裡面如粧  
朝朝暮暮懷君袖  
祗恐恩深如秋娘  
縱使君恩沒新故  
曾奈天時有燭涼  
何況盛年易彫邁  
虛度春風當斷腸  
可是杜陵

老饑客隔水看花倍離傷  
年年司馬青衫濕  
吁嗟明月碧簾廊

題澹軒圖

前村梅花如玉削  
後村皚皚雪飄礪  
背月隱隱出雲端  
不照歡喜照寂寞  
此時百草已無芳  
此景幽然疑望暝  
絕勝王郎泛虛舟  
夜色空濛滿溪壑  
幾度暗香四碧寒  
不厭網衣虛錦爍  
微熏擊缶當絲簧  
茅竹何曾塗丹雘  
市道不交苔徑深  
寂無肉食有藜藿  
幽人貞吉萬慮消  
直比雪

洲春水落雪洲春水味且甘流到于今味更薄  
少味方是還天和一勺真可洗炎熇豪華蹤跡  
今何在年年月照梅花萼

